



18

90405

Broj: 06-11-4160/23-8
Ilidža, 22.08.2023. godine

Na osnovu člana 69. stav (2) tačka d) Zakona o javnim nabavkama ("Službeni glasnik BiH" broj: 39/14 i 59/22) i Zapisnika o pregledu i ocjeni ponuda Komisije za javne nabavke br. 06-11-4160/23-6 K od 21.08.2023. godine, Općinski načelnik donosi:

ODLUKU O PONIŠTENJU POSTUPKA JAVNE NABAVKE 66/23

I

Poništava se postupak javne nabavke „Nabavka i ugradnja stolarije i bravarije za objekat Općine Ilidža”, broj obavještenja o nabavci sa portala javnih nabavki: 888-1-1-158-3-151/23 od 30.06.2023. godine iz razloga što nijedna od primljenih ponuda nije prihvatljiva.

Obrazloženje

Na osnovu Odluke o pokretanju postupka javne nabavke broj 06-11-4160/23-2 i Obavještenja o nabavci broj 888-1-1-158-3-151/23 od 30.06.2023. godine, pokrenut je otvoreni postupak nabavke za „Nabavka i ugradnja stolarije i bravarije za objekat Općine Ilidža”.

Iz Zapisnika o zaprimljenim ponudama i zapisnika sa otvaranja ponuda vidljivo je da su ponude blagovremeno dostavili ponuđači: Delux Ekostil d.o.o., Gnojnica bb, Lukavac, Produžnica Ekostil, O.R. Eko stil, ul. Gnojnica bb, Lukavac, MEGA-ROLL d.o.o., ul. Polje bb, Miričina-Gračanica, FADŽ-COMPANY d.o.o., ul. Tuneli 30, Ilidža, HDI d.o.o., ul. Gora bb, Semizovac-Vogošća i RMK ENGINEERING d.o.o., ul. Omladinska do br. 3, Vogošća.

Iz Zapisnika o pregledu i ocjeni ponuda Komisije za javne nabavke, vidljivo je da je ista konstatovala sljedeće:

Ponuda ponuđača HDI d.o.o., ul. Gora bb, Semizovac- Vogošća se odbacuje kao neprihvatljiva. Navedeni ponuđač je na strani 16. ponude dostavio potvrdu o uspješnom izvršenju ugovora izdatu od strane Građevinskog fakulteta, Univerzitet u Sarajevu, BiH ali se ista ne nalazi na referenc listi izvršenih radova. Naime, ugovorni organ je tačkom 2.4.2 pod a) tenderske dokumentacije popisao da su ponuđači kao dokaz za ispunjenje tehničke i profesionalne sposobnosti, dužni dostaviti: „Spisak izvršenih ugovora u posljednje tri godine, ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, sa potvrdama izdatim od druge ugovorne strane o uredno izvršenim ugovorima.”

Dostavljena referenc lista nije potpisana od strane ovlaštenog lica i na istoj nedostaje pečat ponuđača.

Navedeni ponuđač je dostavio uzorak ALU profila sa baglamom, a koji ne zadovoljava zahtjevima iz tehničke specifikacije, obzirom da je istom traženo da ALU profil bude bez termičkog prekida.

S obzirom da navedeni ponuđač nije postupio u skladu sa postavljenim zahtjevima iz tenderske dokumentacije, ponuda je ocijenjena kao neprihvatljiva, odnosno nepravilna.



Ponuda ponuđača MEGA-ROLL d.o.o., ul. Polje bb, Miričina- Gračanica je ocijenjena kao nepravilna jer je navedeni ponuđač dostavio uzorak ALU profila, stakla i baglame. Dostavljeni uzorak ALU profila sa baglamom ne zadovoljava zahtjevima iz tehničke specifikacije, obzirom da je istom traženo da ALU profil bude bez termičkog prekida.

Ponuđači Delux Ekostil d.o.o., O.R. Eko stil, FADŽ-COMPANY d.o.o. i RMK ENGINEERING d.o.o. nisu ispunili uslov iz tačke 3.10 tenderske dokumentacije kao i uslov iz Obrasca za cijenu ponude kojim je propisano da su ponuđači obavezni dostaviti uzorke profila do krajnjeg roka za dostavu ponuda, na protokol ugovornog organa.

S obzirom da navedeni ponuđači nisu postupili u skladu sa postavljenim zahtjevima iz tenderske dokumentacije, ponude navedenih ponuđača su ocijenjene kao nepravilne.

Imajući u vidu navedeno Komisija za javne nabavke predložila je općinskom načelniku donošenje odluke o poništenju predmetne nabavke u skladu sa članom 69. stav (2) tačka d) Zakona o javnim nabavkama.

Na osnovu navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđač ima pravo da izjavi žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.



OPĆINSKI NAČELNIK

Nermin Muzur, magistar uprave

Dostavljeno:

1. Ponuđačima 6x
2. Kabinet Općinskog načelnika
3. Služba za finansije
- ④ 4. Služba za zajedničke poslove
5. a/a

Izradila: Arnela Merdžanić, BA. prava

Kontrolisao: Benjamin Mešak, dipl.ecc

